



ზოგადსაგანმანათლებლო
დანესაბუღებების ავტორიზაციის საბჭო

31/10/2024



MES 5 24 0001401143

გადაწყვეტილება

„სსიპ-გიორგი ლეონიძის სახელობის საგარეჯოს მუნიციპალიტეტის სოფელ პატარძელის საჯარო სკოლის ავტორიზაციის შესახებ“ ზოგადსაგანმანათლებლო დაწესებულებების ავტორიზაციის საბჭოს 2023 წლის 08 დეკემბრის N 1673143 ოქმის მეხუთე ნაწილში ცვლილები ს შეტანის შესახებ

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად და საქართველოს ზოგადი ადმინისტრაციული კოდექსის 63-ე მუხლის პირველი ნაწილის საფუძველზე,

საბჭომ გადაწყვიტა:

1. შევიდეს ცვლილება „სსიპ-გიორგი ლეონიძის სახელობის საგარეჯოს მუნიციპალიტეტის სოფელ პატარძელის საჯარო სკოლის ავტორიზაციის შესახებ“ ზოგადსაგანმანათლებლო დაწესებულებების ავტორიზაციის საბჭოს 2023 წლის 08 დეკემბრის N 1673143 ოქმის მეხუთე ნაწილში და ჩამოყალიბდეს შემდეგნაირად:

„ზოგადსაგანმანათლებლო დაწესებულებების ავტორიზაციის საბჭოს თავჯდომარემ დაწესებულებების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ. საბჭოს წევრმა, მაკა მამფორიამ განაცხადა, რომ ის ვერ მიიღებდა აღნიშნული საკითხის განხილვასა და კენჭისყრაში მონაწილეობას, რადგან აღნიშნულ სკოლასთან ჰქონდა ინტერესთა კონფლიქტი. საბჭოს წევრებმა გაიზიარეს აღნიშნული შუამდგომლობა.

საბჭოს თავჯდომარემ, დავით მაღაზონიამ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტებთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავჯდომარემ ჰკითხა დაინტერესებული მხარის წარმომადგენელს იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა სხდომაზე წარადგინა ზოგადი განათლების ხარისხის უზრუნველყოფის ექსპერტმა, თამარ კეშელავამ. ექსპერტმა განაცხადა, რომ სსიპ - გიორგი ლეონიძის სახელობის საგარეჯოს მუნიციპალიტეტის სოფელ პატარძელის საჯარო სკოლაში საავტორიზაციო ვიზიტი განხორციელდა 2023 წლის 21 და 22 სექტემბერს. სკოლა მდებარეობდა საგარეჯოს მუნიციპალიტეტში, სოფელ პატარძელში. სკოლა ახორციელებდა ზოგადი განათლების დაწყებით, საბაზო და საშუალო საფეხურის ზოგადსაგანმანათლებლო პროგრამებს, ქართულ ენაზე. სკოლას თვითშეფასების კითხვარში მოსწავლეთა ზღვრულ რაოდენობად მოთხოვნილი ჰქონდა 700 მოსწავლე. ექსპერტმა აღნიშნა, რომ ვიზიტის პერიოდში სკოლაში ირიცხებოდა 364 მოსწავლე.

ექსპერტმა განაცხადა, რომ სტანდარტი 1 (სკოლის ფილოსოფია), სტანდარტი 2 (სასკოლო კურიკულუმი) და სტანდარტი 4 (მოსწავლეთა მხარდაჭერა) შეფასდა, როგორც „შეესაბამება სტანდარტის მოთხოვნებს“; სტანდარტი 3 (სასწავლო რესურსის ადმინისტრაციული და ინფრასტრუქტურული მხარდაჭერა) შეფასდა, როგორც „ნაწილობრივ შეესაბამება სტანდარტის მოთხოვნებს“. ექსპერტმა აღნიშნა, რომ კომპონენტები 1.2, 3.1, 3.4, 3.5 და 3.6 „მეტწილად“ შეესაბამებოდა სტანდარტის მოთხოვნებს.

ექსპერტმა, თამარ კეშელავამ აღნიშნა, რომ თითოეულ ინდიკატორთან დაკავშირებით, რომელიც შეფასდა „მეტწილად“, ექსპერტთა ჯგუფის მიერ გაცემული იყო რეკომენდაციები, რომელიც აღწერილი იყო ზოგადსაგანმანათლებლო დაწესებულების სტატუსის მაძიებლის შესახებ ზოგადსაგანმანათლებლო დაწესებულების ექსპერტთა ჯგუფის დასკვნაში. დასკვნა ასევე მოიცავდა ექსპერტთა ჯგუფის მიერ გაცემულ რჩევებს.

ექსპერტმა თამარ კეშელავამ სკოლის საუკეთესო პრაქტიკის ფარგლებში აღნიშნა, რომ სკოლა მხარს უჭერდა მოსწავლეთა ინიციატივებს და არაფორმალურ აქტივობებს. სკოლაში ფუნქციონირებდა რამდენი კლუბი, რომლის ფარგლებშიც ხორციელდებოდა საინტერესო პროექტები. ექსპერტმა აღნიშნა, რომ სკოლაში ფუნქციონირებდა ხაზვის წრე, სადაც XI- XII კლასის მოსწავლეები იღებდნენ დამატებით მომსახურებას გადასახადის გარეშე.

საბჭოს თავმჯდომარემ დავით მალაზონიამ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს თავმჯდომარემ დავით მალაზონიამ ექსპერტს მიმართა კითხვით, რა რესურსი ჰქონდა სკოლას, რამდენ მოსწავლეს შეეძლო ესწავლა ერთ ცვლაში.

ექსპერტმა თამარ კეშელავამ აღნიშნა, რომ დაწესებულებას საგანმანათლებლო მომსახურების გაწევა ერთ ცვლაში შეეძლო 400 მოსწავლისთვის.

საბჭოს თავმჯდომარემ დავით მალაზონიამ სკოლას მიმართა კითხვით, რა განაპირობებდა სკოლაში მეორე ცვლის დამატების აუცილებლობას.

სკოლის დირექტორის მოვალეობის შემსრულებელმა ნინო ბურდიაშვილმა აღნიშნა, რომ მოცემული დროისთვის სკოლაში ირიცხებოდა 364 მოსწავლე. ბოლო წლებზე დაკვირვებით, შეინიშნებოდა მოსწავლეთა რაოდენობის მკვეთრი ზრდა. აქედან გამომდინარე, სკოლა თვლიდა, რომ კვლავ გაიზრდებოდა სკოლაში სწავლის მსურველი მოსწავლეთა რაოდენობა და საჭირო გახდებოდა ორცვლიანი სწავლება.

საბჭოს თავმჯდომარემ დავით მალაზონიამ ექსპერტს მიმართა კითხვით, რამდენად აუცილებელი იყო სკოლის ეზოში სპორტული მოედნის არსებობა.

ექსპერტმა თამარ კეშელავამ აღნიშნა, რომ სკოლას ჰქონდა დახურული სპორტული დარბაზი. სკოლის ეზოში იყო საკმარისი ფართი იმისთვის, რომ მოწყობილიყო ღია სპორტული მოედანიც. შესაბამისად, ექსპერტთა ჯგუფმა ჩათვალა, რომ სკოლაში ღია სპორტული მოედნის არსებობაც სასურველი იქნებოდა.

საბჭოს თავმჯდომარემ დავით მალაზონიამ სკოლის წარმომადგენელს მიმართა კითხვით რამდენად შეეძლო სკოლას ღია სპორტული მოედნის გაკეთება.

სკოლის დირექტორის მოვალეობის შემსრულებლის, ნინო ბურდიაშვილის განცხადებით, სკოლის მოსწავლეები აქტიურად სარგებლობდნენ დახურული დარბაზით და საგაკვეთილო პროცესები მიმდინარეობდა შეუფერხებლად, სკოლა იზიარებდა ექსპერტების რჩევას და

თვლიდან, რომ ღია სპორტული მოედნის მოწყობა სკოლაში იქნებოდა დამატებითი შესაძლებლობა საინტერესო პროექტებისა და აქტივობების განხორციელების თვალსაზრისით. ნინო ბურდიაშვილმა აღნიშნა, რომ სკოლის მოსწავლეები მონაწილეობდნენ ერთ-ერთ პროექტში, საიდანაც ელოდებოდნენ დაფინანსების მოპოვებას და აპირებდნენ გარე სპორტული მოედნის მოწყობას.

საბჭოს წევრმა თამარ მამსიკაშვილმა ყურადღება გაამახვილა სკოლაში მოწყობილ „განათლების ბაღზე“ და სკოლის დირექტორს მიმართა კითხვით, რას ემსახურებოდა აღნიშნული სივრცე. სკოლის დირექტორმა ნინო ბურდიაშვილმა აღნიშნა, რომ გასულ სასწავლო წელს სკოლის ერთ-ერთი მოსწავლე მონაწილეობდა პროექტში, სადაც მოიპოვა ფულადი ჯილდო. აღნიშნული დაფინანსების საშუალებით სკოლაში მოეწყო „განათლების სივრცე“, რომელიც აქტიურად გამოიყენება არაფორმალური განათლების ხელშეწყობის მიზნით.

საბჭოს თავმჯდომარემ, დავით მაღაზონიამ ყურადღება გაამახვილა სკოლის მიერ წარმოდგენილ კურიკულუმებზე და აღნიშნა, რომ მეორე სტანდარტის კუთხით სკოლა საჭიროებდა მეტ მუშაობას.

სკოლის დირექტორმა აღნიშნა, რომ სკოლა აგრძელებდა კურიკულუმებზე მუშაობას და დახვეწას.

საბჭოს თავმჯდომარემ დავით მაღაზონიამ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრებს შეკითხვები არ ჰქონდათ.

საბჭოს თავმჯდომარემ კენჭისყრაზე დააყენა სსიპ - გიორგი ლეონიძის სახელობის საგარეჯოს მუნიციპალიტეტის სოფელ პატარძელის საჯარო სკოლის ავტორიზაციისა და მოსწავლეთა ადგილების ზღვრული რაოდენობის 700-ით განსაზღვრის საკითხი.

კენჭისყრის შედეგები:

მომხრე - 10

წინააღმდეგი - 1

საბჭოს ერთ-ერთმა წევრმა მხარი არ დაუჭირას სსიპ - გიორგი ლეონიძის სახელობის საგარეჯოს მუნიციპალიტეტის სოფელ პატარძელის საჯარო სკოლის ავტორიზაციის მინიჭების საკითხს, ვინაიდან დაწესებულებას არ ჰქონდა შენობის მდგრადობისა და სახანძრო უსაფრთხოების მოთხოვნებთან შესაბამისობის შესახებ დასკვნები. შესაბამის სამსახურთან შეთანხმებული საგანგებო სიტუაციების მართვის გეგმა, ასევე ადაპტირებული მოსწავლეთა უსაფრთხოებისა და მათი საუკეთესო ინტერესებიდან გამომდინარე, იგი მხარს არ უჭერდა სკოლისთვის ავტორიზაციის მინიჭების საკითხს.

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის და 21-ე მუხლის პირველი, მე-2 და მე-3 პუნქტების, 27-ე მუხლის მე-4 პუნქტის შესაბამისად, სსიპ - გიორგი ლეონიძის სახელობის საგარეჯოს მუნიციპალიტეტის სოფელ პატარძელის საჯარო სკოლას (ს/კ: 238146332) 6 წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 700-ით.

N	ზოგადსაგანმანათლებლო პროგრამის	ზოგადსაგანმანათლებლო	ზოგადსაგანმანათლებლო	ზოგადსაგანმანათლებლო პროგრამის განხორციელების
---	--------------------------------	----------------------	----------------------	---

	სახელწოდება	პროგრამის საფეხური	პროგრამის განხორციელების ენა	ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	საგარეჯოს მუნიციპალიტეტი, სოფელი პატარძეული
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	საგარეჯოს მუნიციპალიტეტი, სოფელი პატარძეული
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	საგარეჯოს მუნიციპალიტეტი, სოფელი პატარძეული

მონიტორინგის დაწყების პერიოდი: 2025 წლის ნოემბრიდან;

მონიტორინგის განხორციელების ფორმა: ექსპერტთა ჯგუფის მხრიდან დოკუმენტების შესწავლა;

მონიტორინგის ფარგლები: სტანდარტი 2 (სასკოლო კურიკულუმი- აწყებითი, საბაზო და საშუალო ზოგადსაგანმანათლებლო პროგრამები).

საბჭომ 3.1, 3.4, 3.5 და 3.6 კომპონენტების შეფასების გათვალისწინებით, ზოგადსაგანმანათლებლო დაწესებულებას განუსაზღვრა რეკომენდაციები და რეკომენდაციების შესრულების პროგრესის შესახებ ცენტრის ინფორმირების ვალდებულება 2025 წლის ნოემბრამდე, კერძოდ: შენობა-ნაგებობის მდგრადობის შესახებ დასკვნა; შენობის სახანძრო უსაფრთხოების შესახებ დასკვნა; საგანგებო სიტუაციების მართვის გეგმა; სკოლამ უნდა უზრუნველყოს სკოლის ექიმის ოთახში პაციენტის პრივატულობის უზრუნველსაყოფად გამყოფი შირმის მოწყობა; სკოლის პერსონალის პირად საქმეში განთავსდეს კანონმდებლობით გათვალისწინებული „სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლეობისა“ და უფლების ჩამორთმევის შესახებ ცნობები; მოხდეს დანომრვა შრომითი ხელშეკრულებების, დაწესებულებაში დამტკიცებული საქმისწარმოების წესის შესაბამისად და აღრიცხოს შესაბამის სარეგისტრაციო ჟურნალში; მოხდეს ექიმის პირადი საქმის კანონმდებლობასთან შესაბამისობაში მოყვანა; სკოლამ უნდა მოახდინოს ადაპტირებული გარემოს დამადასტურებელი ფოტო-მასალის გადაგზავნა; მოხდეს ვებ- გვერდზე ყველა საჭირო მასალის განთავსება.“

2. ზოგადსაგანმანათლებლო დაწესებულებების ავტორიზაციის საბჭოს 2024 წლის 31 ოქტომბრის N1397714 სხდომის ოქმის მეექვსე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ. ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
მალაზონია დავით

დ. მალაზონია

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ჯინჭარაძე მანანა

მ. ჯინჭარაძე

